



37 KNATTSPYRNUMAÐURINN DAVID BECKHAM á afmæli í dag. „Foreldrar mínir hafa verið til staðar fyrir mig, allt frá því ég var sjö ára.“

Merkisatburðir

- 1615** Prettán skip farast og átta tíu menn drukkna í aftakaveðri á Breiðafirði.
- 1822** Skipbrotsmenn af tveimur erlendum skipum komast til lands; sextán manns á Vopnafirði og sex manns við Glettinganes. Bæði skipin höfðu farist í hafis.
- 1968** Maiupptötin í París hefjast með því að stjórn Parísarháskóla í Nanterre ákveður að loka skólanum vegna árekstra við stúdenta.
- 1970** Búrfellsvirkjun vígð og formlega tekin í notkun.
- 1992** Jón Baldvin Hannibalsson utanríkisráðherra undirritar samninginn um Evrópska efnahagssvæðið. Samningurinn er um tuttugu þúsund blaðsíður.
- 1997** Tony Blair tekur við embætti forsætisráðherra Bretlands eftir átján ára stjórnartíð Breska íhaldsflokksins.

AFMÆLISBÖRN



GARÐAR THÓR CORTES söngvari er 38 ára.



DONATELLA VERSACE fatahönnuður er 57 ára.



LILY ALLEN söngkona er 27 ára.



DAVID O'LEARY knattspyrnuþjálfari er 54 ára.

ÞETTA GERÐIST: 2. MAÍ 1803

Bandaríkin kaupa Louisiana

Á þessum degi árið 1803 keyptu Bandaríkin Louisiana af Frökkum. Ráðstöfunin reyndist hin mestu kostakaup enda tvöfaldaðist stærð Bandaríkjanna við viðbótina.

Áhugi gamla heimsins á Louisiana náði aftur á sautjándu öldina þar sem franskir landnemar höfðu komið sér fyrir og kannað landið í kringum Mississippi-ána. Mikilvægi svæðisins var óumdeilanlegt og þá sérstaklega ármynni Mississippi upp að Nýju Orleans og áin sjálf sem Bandaríkjamenntu notuðu sér óspart til vöruflutninga. Til þess að þurfa ekki að greiða tolla eða flutningsgjöld vegna afnota á svæðinu var Bandaríkjunum

mjög í hag að eignast svæðið. Ljóst er að Bandaríkjamenntu fengu þetta gríðarstóra landsvæði á góðu verði og hafa margir velt því fyrir sér hvaða hvatir hafi legið að baki ákvörðun Napóleóns Bónaparte um sölu Louisiana.

Af samningi Bandaríkjanna og Frakka er ekki hægt að ráða nákvæm mörk landsvæðisins sem kallað var Louisiana. Innan svæðisins falla þó óumdeilanlega nútímaríkin Louisiana, Missouri, Arkansas, Iowa, Norður- og Suður-Dakóta, Nebraska og Oklahoma, og stærstur hluti landsvæðis Kansas, Colorado, Wyoming, Montana og Minnesota.



FIMMTUGUR Sumrinu eyðir Sigurður að miklu leyti í Landssveit, þar sem hann hyggst ríða út með ferðamenn.

FRÉTTABLAÐIÐ/DANIEL



Elskuleg systir, mágkona og frænka,

ELÍN ANNA EYVINDS
Hátúni 12,

lést sunnudaginn 29. apríl á gjörgæsludeild Landspítalans í Fossvogi. Útförin fer fram fimmtudaginn 3. maí kl. 16.00 frá Fríkirkjunni í Reykjavík.



Helgi Eyvinds
Sæmundur Runólfsson
og systkinabörn.



Ástkær eiginkona mín, móðir okkar, tengdamóðir, amma og langamma,

RAGNHEIÐUR GUÐJÓNSDÓTTIR

lést á Hjúkrunarheimilinu Vífilsstöðum að kvöldi laugardagsins 21. apríl sl. Útförin fer fram frá Kópavogskirkju föstudaginn 4. maí kl. 15.00.



Oddur Helgason
Anna Oddsdóttir
Halldóra Oddsdóttir
Steinar Friðgeirsson
Jón B. Björgvinsson
barnabörn og barnabarnabörn.



Okkar ástkæri mágur og frændi,

GUNNAR PÉTURSSON

er látinn. Jarðförin fer fram fimmtudaginn 3. maí klukkan 13.00 frá Fossvogskapelli.



Þórey Ósk Ingvarsdóttir
Halldóra Lára Ásgeirsdóttir
Pétur Ásgeirsson
Gunnar Ásgeirsson

SIGURÐUR GRÉTARSSON FYRRUM ATVINNUMAÐUR: ER FIMMTUGUR Í DAG

Fylgist ágætlega með boltanum

„Dagurinn leggst vel í mig. Ég hef ekki gert nein plön nema smá veislu fyrir nánustu fjölskyldu á laugardaginn og ég vona að það fari nú enginn að skipuleggja neitt fyrir mig,“ segir Sigurður Grétarsson, rafvirki, hestamaður og fyrrum atvinnu- og landsliðsmaður í knattspyrnu, sem fagnar fimmtugsafmæli sínu í dag.

Sigurður, sem á 46 A-landsliðsleiki að baki fyrir Íslands hönd (þann síðasta árið 1993), ólst upp sem leikmaður í Breiðabliki áður en hann fór utan í atvinnumennsku með liðum á borð við Luzern og Grasshopper í Sviss og fleirum. Hann sneri svo heim aftur fyrir tímabilið 1996, gerðist spilandi þjálfari með Val og loks Breiðblikki, þar sem hann lokaði hringnum. Síðan knattspyrnuferlinum lauk hefur hann starfað sem rafvirki, en þá iðn hafði hann lært áður en fótboltinn tók yfir á sínum tíma. „Faðir minn er rafvirkjameistari og við erum

þrír saman hjá fyrirtæki sem heitir Rafnýting. Það gengur ágætlega, þótt fremur rólegt hafi verið eftir hrun eins og annars staðar,“ segir Sigurður, sem þessa dagana vinnur hörðum höndum að undirbúningi nýs ævintýris sem tengist ferðamannabransanum, iðnaði sem Sigurði þykir spennandi. „Ég, Ómar Steinar Rafnsson æskufélagi minn og fjölskyldur okkar erum að fara í gang með hestaferðir fyrir túrista. Við erum með land uppi í Landssveit, sem er gríðarlega fallegur staður með mörgum góðum reiðleiðum, og þar erum við líka með stóran bústað þar sem við hyggjumst hýsa ferðalangana. Ómar er fæddur og uppalinn á hestum og hefur verið leiðsögumaður í mörgum hestaferðum, en sjálfur hef ég verið á kafi í hestamennsku í tvö ár. Í sjálfu sér er ég byrjandi, en með vanan mann með mér sem veit út í hvað við erum að fara. Við ætlum að byrja á þessu í sumar og reyna

svo að auka við eftir því sem á líður. Þetta er spennandi og fer vonandi vel af stað, en auk þess er ekki mikið að gerast í öðrum geirum. Einhvern veginn verður maður að reyna að bjarga sér,“ segir Sigurður.

Aðspurður segist Sigurður ekki hafa snert fótbolta í heilt ár vegna þess hversu slæmur hann er orðinn í hnenu. „Ég get ekkert sparkað lengur og sakna fótoltans auðvitað, en ég held að það sé kominn tími á að hætta alveg að stunda hann. Ég verð að hugsa um framtíðina, því ég vil nú geta labbað eða skokkað þegar ég verð orðinn sextugur. Ég fylgist þó ágætlega með boltanum, bæði liðunum sem ég spilaði með í útlöndum og svo Breiðabliki. Mér líst ágætlega á sumarið hjá Blikunum, þeir hafa misst marga lykilmenn en það kemur maður í manns stað. Líðið er það gott að það ætti að geta endað um miðja deild eða jafnvel ofar.“

kjartan@frettabladid.is

Inn í kviku Ásmundar

Ný sýning á verkum myndhöggvarans Ásmundar Sveinssonar, Inn í kviku, verður opnuð í Ásmundarsafni við Sigtún laugardaginn 5. maí klukkan 16.

Við sama tilefni verður endurtekin „gjörningur“ í höggmyndagarðinum, sem Ásmundur taldi að kenni börnum að meta og þykja vænt um stytturnar.

Sýningin Inn í kviku er þrjú þætt og dregur fram ólíkar hliðar á Ásmundi hvað varðar inntak, form og tímasteið. Leit-

ast er við að nýta húsið í Sigtúni sem rökrettan hluta af sýningunni og umgjörð um hana, ásamt höggmyndagarðinum í kringum húsið sem geymir mörg af þekktustu verkum listamannsins.

Sýningarstjórar eru Steinunn G. Helgadóttir myndlistarmaður og Kristín G. Guðnadóttir listfræðingur.

Sunnudaginn 13. maí klukkan 14 munu sýningarstjóranir fara um sýninguna og ræða við gesti.



ÁSMUNDUR SVEINSSON
Ný sýning á verkum Ásmundar verður opnuð í Ásmundarsafni á laugardag.

ÚTFARARSTOFA ÍSLANDS

ÚTFARARSTOFA ÍSLANDS

Vaktími:
581 3300 & 896 8242
www.utfarin.is

Allan sólarhringinn Sverrir Einarsson Kristín Ingólfssdóttir Hermann Jónasson

ÚTFARARSTOFA HAFNARFJARÐAR

Flatahraun 5a • www.utfararstofa.is Símar: 565 5892 & 896 8242